



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma, Sive Avrea Armilla Bartholomæi Fvmi Placentini,
ordinis Prædicatorum, ac hæreticæ prauitatis Inquisitoris**

Fumo, Bartolomeo

Antverpiae, 1570

Avsteritas.

urn:nbn:de:hbz:466:1-30427

longa experientia. Sed quando hæc sunt cum quibusdam obseruantijs, quæ ad talem effectum nullam habent virtutem, potest aduerti, quod sit peccatum mortale. vel quando homo nimis eis credit, vel nimis timet, putans se cogi ad opera, vel hæc pro lege suorum operum accipit, secundum Cpie. ibi, & Thom. vbi supra. Tales enim augurijs feruientes, ab ecclesia sunt separandi. in cap. augurijs. 26. q. 5. Nullus autem separatur ab ecclesia, nisi propter mortale igitur mortaliter peccant. infra, Superstitio. per totum. Sors per totum. Auspex ab ara dicitur, hoc est, à victimis in ara conspiciendis.

AVSTERITAS.

AVSTERITAS quandoq; accipitur pro virtute temperantia, quandoq; pro vitio. Quando quis in austeritate excedit mediū, vel erga seipsum, vel alios. tunc virtus esse non potest, quia medium excedit.

QUOD enim excedit in austeritate sibi, & alijs, taliter vt natura non possit conseruari, vel vt propter hoc notabilem incurrat infirmitatem, scienter mortaliter peccat: agit enim contra charitatem. Secus quādo arbitraretur posse hoc facere, & facit propter bonum finem, licet decipiatur. Secundo peccat prælatus, subditis cum austeritate imperans. 46. d. ca. hoc habet. & contra hos clamat propheta, dicens: Et cum austeritate imperabatis illis. Tertio, quando sunt austeri in dispensando, & recipiendo ad misericordiam: quia si Deus benignus est, vt quid sacerdos vult austerus apparere? 6. q. 7. c. alligant. Austeritas enim immoderata, nec correctionem inducit, nec salutem. c. dissoluendi. 45. d.

BALLISTA.

BALLISTARVM ars an liceat, supra, Ars. 5. 6. & quomodo prohibetur ibi.

BALNEVM

BALNEA intrare pro voluptate non honesta, & pro luxuria, nunquam licet, quia peccatum est mortale,

vel veniale. Pro necessitate autem semper est licitum, etiam diebus festis. in c. peruenit. de consec. d. 1. Clericis etiā est permittum pro necessitate. in c. omnis qui. 24. q. 1.

RELECTIOSI etiā August. in regula concedit pro necessitate. Non licet vitis intrare balnea cum mulieribus in c. nō oportet. 81. d. & hoc propter periculum concupiscentia. cum autem propria muliere, sine aliorum scandalo non credo prohibitionē tenere, quia cessat ratio peccati. Et dicit ibi gl. quod si vir cum muliere extra nea ingrediatur, priuatur donatione propter nuptias: & mulier si cum extraneo ingrediatur, priuatur dote. §. inter culpas C. de re. pub. l. fi.

NON licet Christiano balneare se cum Iudæo, quia est pena excommunicationis in iure. 28. q. 1. c. nullus. ne que clerico sub pena depositionis: ibi in d. c. Et hoc de omni infideli intellige, secundum gloss. in cap. omnis. 24. quæst. 1.

AN præceptū dicto cap. non oportet. sit obligatiuum. iudica iuxta dicta infra, Præceptum. 5. 6.

BANNVM.

BANNITVM occidens lege concedente, non liuore vindictæ, sed tantum zelo iustitiæ, nō peccat, quia est in illo casu iustitiæ minister, sicut famuli prætoris: si tamen talis sit ex rationabili causa bannitus, & tale statutū si fiat, quod impunē banniti possint occidi, etiam cū aliquo præmio, valet, secundum Pa. de consue. c. fi. in 2. glo. in fi. Tales enim sunt hostes ciuitatis. Idem dic quando statutum, vel consuetudo dat facultatem consanguineis vindicandi mortem suorum consanguinorum, secundum Ioann. Andr. in additi. Spec. in tit. de constit. Intellige vt hoc faciant sicut ministri legis, & zelo iustitiæ. Secus autem, quando lex non concedit, sed permittit non puniendo, sicut permittit meretrices: tunc non licet, sine mortali occidere. Nec etiam licet prædictos bannitos extra terminos illius potestatis occidere, secundum Archid.